

procession. Et s'entrenoient despuys le bout de la rue de Sainet Jehan jusques bien avant en la Juifrie, jusques au millieu du pont de Saosne. Une aultre partie des dictz harquebousiers estoit arrangée despuis l'aultre bout dudiet pont et place de l'Herberie jusques au coing de rue Mercière et de la rue qui tend à Sainet Nizier.

Les Suysses tous armez à blanc, la picque droiete au poing, occupoient toute la place Nostre Dame de Confort.

Les aultres compagnies de soldatz, sellon leurs esquades, estoient à la garde des portes et forteresses de la ville.

Ce dict jour, quatriesme d'avril, après disner, Messieurs les Eschevins et Conseilliers de la dicte ville, vindrent avec la compaignie des arquebouziers conduitz par le cappitaine Salla, cappitaine de la dicte ville, avec son lieutenant et enseigne, au lousis de Monsieur le Gouverneur pour l'inviter et accompagner pour aller à la collation qu'ils avoient faiet apprester aux Célestins, somptueuse et magnificque au possible, dans la grande salle desdicts Célestins, bravement tapissées. Y avoit affigé grands nombres d'escripteaulx, chascung portant sa devise magnificque.

Après le dict banquet ilz s'en vindrent tous en Bellecourt où fust dict le sermon par Monsieur le prieur de Confort, docteur en théologie, prédicateur ordinaire à Sainet Nizier, au milieu de l'assemblée du peuple qui estoit en nombre infini. Et là il feist les actions de graces à Dieu à la manière accoustumée, avec les prières pour l'achèvement de la victoire, pour la paix, pour le Roy, pour Monseigneur d'Anjou, son frere, pour la Royne mère, pour tout le sang royal de France, pour tout son bon conseil, pour l'extirpation des hérésies, pour le bien de la terre, pour tout le peuple chrestien.

Au beau millieu de la dicte place de Bellecourt qui est grande et spacieuse, plaine et belle au possible et non moindre que ce grand Champ de Mars jadiz tant célébré à Rome et renommé par les poetes et historiens, vous y estoit dressé ung superbe et magnificque chasteau avec grand artiffice, paincturé par dehors, faict en quadrature, ayant quatre belles tournelles bien flanquées et une bien grande tour et dongeon au milieu, au sommet du-